

書





舊五代史卷四十六

宋司空同中書門下平章事薛居正等



末帝紀上

唐書二十二

末帝諱從珂本姓王氏鎮州人也母宣憲皇后魏氏以

光啟元年歲在己巳正月二十三日生帝于平山景福

中明宗為武皇騎將略地至平山遇魏氏擄之帝時年

十餘歲明宗養為己子案通鑑考異引唐廢帝寔錄云廢帝諱從珂明宗之元子也母

日宣憲皇后魏氏鎮州平山人中和末明宗徇地山東

苗宿平山得魏后帝以光啟元年正月二十三日生于

外舍屬用兵不息音問阻絕帝甫十歲方得歸宗今考

五代會要歐陽史諸書皆作養子惟寔錄作元子疑因

一 史 史 史



壯長七尺餘方頤大體材貌雄偉以驍果稱明宗甚  
愛之在太原嘗與石敬瑭因擊毬同入于趙襄子之廟  
見其塑像屹然起立帝秘之私心自負及從明宗征討  
以力戰知名莊宗嘗曰河三不惟與我同齒敢戰亦相  
類莊宗與梁軍戰于胡柳陂兩軍俱撓帝衛莊宗奪土山  
摧驍陣其軍復振時明宗先渡河莊宗不悅謂明宗曰  
公當為吾死渡河安往明宗待罪莊宗以帝從戰有功  
由是解愠天祐十八年莊宗營于河上議討鎮守留守  
符存審在德勝砦未行梁人謂莊宗已北乃悉衆攻德  
勝莊宗命明宗存審為兩翼以抗之自以中軍前進梁

軍退却帝以十數騎禡梁軍而退至壘門大呼斬首數  
級奔其望櫓而還莊宗大噓曰壯哉阿三賜酒一器同  
光元年四月從明宗襲破鄆州九月莊宗敗梁將王彥  
章于中都急趨汴州明宗將前軍帝率勁騎以從晝夜  
兼行卒先下汴城莊宗勞明宗曰復唐社稷卿父子之  
功也二年以帝為衛州刺史時有王安節者昭宗朝相  
杜讓能之宅吏也安節少善賈得相術于奇士因事見  
帝于私邸退謂人曰真北方天王相也位當為天子終  
則我莫知也三年明宗奉詔北禦契丹以家在太原表  
帝為北京內衙指揮使莊宗不悅以帝為突騎都指揮



使遣戍石門四年魏州軍亂明宗赴洛時帝在橫水率部下軍士由曲陽孟縣趨常山與王建立會倍道兼行渡河而南由是明宗軍散大振天成初以帝為河中節度使明年二月加檢校太保同平章事十一月加檢校太傅長興元年加檢校太尉先是帝與樞密使安重誨在常山因杯盤失意帝以拳擊重誨腦中其櫛走而獲免帝雖悔謝然重誨終銜之及帝鎮河中重誨知其出入不時因矯宣中旨令牙將楊彥溫過出郭則閉門勿納是歲四月五日帝閱馬于黃龍庄彥溫閉城拒帝帝聞難遽還遣問其故彥溫曰但請相公入朝此城不可

入也帝止虞鄉以聞明宗詔帝歸闕遣藥彥稠將兵討彥溫令生致之面要鞠問十一月收城彥溫已死明宗以彥稠不能生致彥溫甚怒之後數日安重誨以帝失守諷宰相論奏行法明宗不悅重誨又自論奏明宗曰朕為小將校時家徒衣食不足賴此兒荷石灰收馬糞存養以至今貴為天子而不能庇一兒卿欲行朝典朕未曉其義卿等可速退從他私第閑坐遂詔歸清化里第不預朝請帝尚懼重誨多方危陷但日諷佛書陰禱而已二年安重誨得罪帝即授左衛大將軍未幾復檢校太傅同平章事行京兆尹充西京留守三年進位太



九國志李彥琦傳潞王守岐下諸道將急攻其壘彥琦時在圍中罄家財以給軍用

尉移鳳翔節度使四年五月封潞王閔帝即位加兼侍中既而帝子重吉出刺亳州女尼入宮帝方憂不測應順元年二月移帝鎮太原是時不降制書唯以宣授而已帝聞之名賓佐將吏以謀之皆曰主上年幼未清庶事軍國大政悉委朱友昭等王必無保全之理判官馬裔孫曰君命召不俟駕行焉諸君凶言非令圖也是夜帝令李專美草檄求援諸道欲誅君則之惡朝廷命王

衆攻城帝登城垂泣諭于外曰我年未二十從先帝征伐出生入死金瘡滿身樹立得社稷軍士從我登陣者

多矣今朝廷信任賊臣殘害骨肉且我有何罪因慟哭聞者哀之時羽林都指揮使楊思權謂衆曰大相公吾主也遂引軍自西門入嚴衛都指揮使尹暉亦引軍自東門而入外軍悉潰十七日率居民家財以賞軍士是日帝整衆而東二十日次長安副留守劉遂雍以城降率京兆居民家財犒軍二十三日次靈口誅王思同二十四日次華州收藥彥稠繫獄二十五日次閿鄉王仲臯父子迎謁命誅之二十六日次靈寶河中節度使安彥威來降待罪宥之遣歸鎮陝州節度使康思立奉迎二十七日次陝州下令告諭京城二十八日康義誠軍



尉移鳳翔節度使四年五月封潞王閔帝即位加兼侍  
中既而帝子重吉出刺亳州女尼入宮帝方憂不測應  
順元年二月移帝鎮太原是時不降制書唯以宣授而  
已帝聞之召賓佐將吏以謀之皆曰主上年幼未清廢  
事軍國大政悉委朱友昭等王必無保全之理判官馬  
裔孫曰君命名不俟駕行焉諸君凶言非令圖也是夜  
帝令李專美草檄求援諸道欲誅君側之惡朝廷命王  
思同率師來討三月十五日外兵大集十六日大將督  
衆攻城帝登城垂泣諭于外曰我年未二十從先帝征  
伐出生入死金瘡滿身樹立得社稷軍士從我登陣者

多矣今朝廷信任賊臣殘害骨肉且我有何罪因慟哭  
聞者哀之時羽林都指揮使楊思權謂衆曰大相公吾  
主也遂引軍自西門入嚴衛都指揮使尹暉亦引軍自  
東門而入外軍悉潰十七日率居民家財以賞軍士是  
日帝整衆而東二十日次長安副留守劉遂雍以城降  
率京兆居民家財犒軍二十三日次靈口誅王思同二  
十四日次華州收藥彥稠繫獄二十五日次閿鄉王仲  
臯父子迎謁命誅之二十六日次靈寶河中節度使安  
彥威來降待罪宥之遣歸鎮陝州節度使康思立奉迎  
二十七日次陝州下令告諭京城二十八日康義誠軍



前兵士相繼來降義誠詣軍門請罪帝宥之駕下諸軍  
畢至誅宣徽南院使孟漢瓊于路左是夜閔帝與帳下  
親騎百餘出元武門而去夏四月壬申帝至蔣橋文武  
百官立班奉迎教旨以未拜梓宮未可相見俟會于至  
德宮時六軍勳臣及節將內職已累表勸進是日帝入  
謁太后太妃至西宮伏梓宮慟哭宰相于百寮班見致  
拜帝答拜馮道等上箴勸進帝立謂羣臣曰予之此行  
事非獲已當俟主上歸闕園陵禮終退守藩服諸公言  
遽及此信無謂也衛州刺史王弘贄奏閔帝以前月二  
十九日至州癸酉皇太后下令降閔帝為鄂王又太后

今日先皇帝誕膺天眷光紹帝圖明誠動于三靈德澤  
被於四海方期偃革遽歎遺弓自少主之承祧為奸臣  
之擅命猜忌骨肉離間磐維既輒易于藩垣復驟興于  
兵甲遂致輟離社稷大撓軍民萬世鴻基將墜于地皇  
長子潞王從珂位居冢嗣德茂冲年乃武乃文惟忠惟  
孝前朝廓清多難有戰伐之大功績紹丕圖有夾輔之  
盛業今以宗祧之祀園寢有期湏委親賢俾居監撫免  
萬機之壅滯慰兆庶之推崇可起今月四日知軍國事  
權以書詔印施行是日監國在至德宮宰相于百寮班見致  
百官班于宮門待罪帝出于庭曰相公諸人何罪請復



位乃退甲戌太后令曰先皇帝櫛風沐雨平定華夷嗣  
洪業于艱難致蒼生于富庶鄂王嗣位奸臣弄權作福  
作威不誠不信離間骨肉猜忌磐維鄂王輕捨宗祧不  
克負荷洪基大寶危若綴旒須立長君以紹丕構皇長  
子潞王從珂日躋孝敬天縱聰明有神武之英姿有寬  
仁之偉畧先朝經綸草昧廓靜寰區辛勤有百戰之勞  
忠貞績一統之運臣誠子道冠古超今而又克己化民  
推心撫士率土之誼敬有屬上蒼之眷命攸臨一日萬  
機不可以暫曠九州四海不可以無歸况因山有期同  
軌斯至永言嗣守屬任元良宜即皇帝位乙亥監國赴

西宮樞前告奠即位攝中書令李愚宣冊書曰維應順  
元年歲次甲午四月庚午朔六日乙亥文武百僚特進  
守司空魚門下侍郎同中書門下平章事充太微宮使  
弘文館大學士上柱國始平郡公食邑二千五百戶臣  
馮道等九千五百九十三人上言帝王興運天地同符  
河出圖而洛出書雲從龍而風從虎莫不恢張八表覆  
育兆民立大定之基保無疆之祚人謠再洽天命顯歸  
須登宸極之尊以奉祖宗之祀伏惟皇帝陛下天資仁  
知神助機權奉莊宗于多難之時從先帝于四征之際  
凡當決勝無不成功洎正皇綱每嚴師律為國家之志



大守臣子之道全自泣遺弓常悲易月欲期同軌親赴  
因山而自鄂王承祧奸臣擅命致神祇之乏享激朝野  
以歸心使屈者伸令否者泰人情大順天象至明聚東  
井以呈祥拱北宸而應運由是文武百辟岳牧羣賢至  
于比屋之倫盡祝當陽之位今則承太后慈旨守先朝  
遠圖撫四海九州享千齡萬祀臣等不勝大願謹奉寶  
冊稟太后令奉皇帝踐祚臣等誠慶誠忭謹言帝就殿  
之東楹受羣臣稱賀先是帝在鳳翔日有聲者張濛自  
言知術數事太白山神其神祠即元魏時崔浩廟也時  
之否泰人之休咎濛告于神即傳吉凶之言帝親校房

嵩酷信之一日濛至府聞帝語駭然曰非人臣也嵩  
詢其事即傳神語曰三珠并一珠驢馬沒人驅歲月甲  
庚午中興戊己土嵩請解釋曰神言予不知也長興四  
年五月府解諸門無故自動人頗駭異遣嵩問濛曰衙  
署小異勿怪不出三日當有恩命至是夜報至封潞王  
及帝移鎮河東甚懼問濛濛曰王保無患王思同兵至  
又詰之濛曰王有天下不能獨力朝廷兵來迎王也王  
若疑臣臣惟一子請致之麾下以質臣心帝乃以濛攝  
館駟巡官至是帝受冊曰維應順元年歲次甲午四月  
庚午朔帝回視房嵩曰張濛神言甲庚午不亦異乎



帝令馮異解三珠一珠事言三珠三帝也驢馬沒  
人驅失位也帝即位之後以濛為將作少監同正仍賜  
金紫以酌之帝初封潞王言事者云潞字一足已入洛  
矣案原本作一足已入潞  
矣今據州府元龜改正又帝在鳳翔日有何叟者年  
踰七十暴卒見陰官憑几告叟曰為我言于潞王來年  
三月當為天子二十三年叟既甦懼不敢言逾月復卒  
陰官見而叱之曰安得違吾旨不違其事再放汝還退  
見廊廡下簿書以問主者曰朝代將易此即昇降人爵  
之籍也及甦詣帝親校劉延朗告之帝召而問之叟曰  
請質之此言無徵戮之可也後人云二十三蓋帝之小

字也又石濠人胡杲通善天文帝召問之曰王貴不可  
言若舉動宜以乙未年及舉兵又問之杲通曰今歲部  
首王者不宜建功立事若俟來歲入朝則福祚永遠矣  
其後皆驗夫如是則大寶之位必有冥數可輕道哉丙  
子詔河南府率京城居民之財以助賞軍丁丑又詔預  
借居民五個月房課不問士庶一槩施行帝素輕財好  
施自岐山為諸軍推戴告軍士曰候入洛人賞百千至  
是以府藏空匱于是有配率之令京城庶士自絕者相  
繼已卯衛州奏此月九日鄂王薨庚辰以宰臣劉昫判  
三司奉郊邢州奏磁州刺史宋令詢自經而卒令詢鄂



王在藩時都押牙也故至于是甲申帝以鄂王堯行服于內園羣臣奉慰癸未太后太妃出宮中衣服器用以助賞軍乙酉帝服袞冕御明堂殿文武百僚朝服就位宣制改應順元年為清泰元年大赦天下常赦不原者咸赦除之丁亥以宣徽北院使郝瓊為宣徽南院使權判樞密院以前三司使王政為宣徽北院使以隨駕牙將宋審虔為皇城使劉延朗為莊宅使鳳翔節度判官韓昭裔為左諫議大夫充端明殿學士觀察判官馬裔孫為翰林學士掌書記李專美為樞密院直學士戊子侍衛親軍都指揮使康義誠伏誅是日詔曰樞密使朱

弘昭馮贇宣徽南院使孟漢瓊西京留守王思同前邠州節度使藥彥稠共相朋煽妄舉干戈互興離間之謀幾構傾亡之禍宜行顯戮以快羣情仍削奪官爵云庚寅鳳翔奏西川孟知祥僭稱大蜀年號明德有司上言皇帝以五月朔日御明堂殿受朝三日夏至祀皇地祇前二日奏告獻祖室不坐北正旦冬至是日有祀事則次日受朝令祀在五鼓前質明行禮畢御殿在旦後請比例行之詔曰日出御殿舉祀事無妨宜依常年例史館奏凡書詔及處分公事臣下奏議望令近臣錄付當館詔端明殿學士韓昭裔樞密直學士李專美錄送卒



七十	通鑑
緡下	云禁軍在鳳翔歸命者自楊思權尹暉等各賜二馬一駝錢
至軍人	錢二十緡其在京者各十緡

邠以左諫議大夫盧損為右散騎常侍壬辰詔賜禁軍

却生菩薩扶起一條鉄其無厭如此案通鑑作除去菩薩扶立生鉄胡三

省注云閔帝丙申英明宗皇帝于徽陵丁酉奉神主于小字菩薩

太廟戊戌山陵使司空兼門下侍郎平章事馮道上表

納政不允五月庚子朔御文明殿受朝賀乙巳以左龍

武指揮使安審琦為左右捧聖都指揮使以右千牛上

將軍符彥饒為左右嚴衛都指揮使丙午以端明殿學

士韓昭裔為樞密使以莊宅使劉延朗為樞密副使以

權知樞密事房嵩為宣徽北院使以成德軍節度使大

同彰國振武威塞等軍蕃漢馬步都部署檢校太尉兼

中書令駙馬都尉石敬瑭為北京留守河東節度使加

檢校太師兼中書令都部署如故汴州節度使檢校太

師兼侍中駙馬都尉趙延壽進封魯國公戊申中書門

下奏太常禮院狀明宗以此月二十日祔廟宰臣攝太

尉行事緣馮道在假李愚十八日私忌在致齋內劉昫

又奏判三司免祀事詔禮官叅酌有司上言李愚私忌

在致齋內諸私忌日遇大朝會入閣宣名皆赴朝參合

祔廟事大忌日屬私請比大朝會宣名例案五代會要載此奏下有



邠以左諫議大夫盧損為右散騎常侍壬辰詔賜禁軍及鳳翔城下歸明將校錢帛各有差初帝離岐山諸軍皆望以不次之賞及從至京師不滿所望相與謠曰去

却生菩薩扶起一條鉄其無厭如此案通鑑作除去菩薩扶立生鉄胡三

省注云閏帝丙申葬明宗皇帝于徽陵丁酉奉神主于

太廟戊戌山陵使司空兼門下侍郎平章事馮道上表

納政不允五月庚子朔御文明殿受朝賀乙巳以左龍

武指揮使安審琦為左右捧聖都指揮使以右千牛上

將軍符彥饒為左右嚴衛都指揮使丙午以端明殿學

士韓昭裔為樞密使以莊宅使劉延朗為樞密副使以

權知樞密事房嵩為宣徽北院使以成德軍節度使大

同範國振武威塞等軍蕃漢馬步都部署檢校太尉兼

中書令駙馬都尉石敬瑭為北京留守河東節度使加

檢校太師兼中書令都部署如故汴州節度使檢校太

師兼侍中駙馬都尉趙延壽進封魯國公戊申中書門

下奏太常禮院狀明宗以此月二十日祔廟宰臣攝太

尉行事緣馮道在假李愚十八日私忌在致齋內劉昫

又奏判三司免祀事詔禮官叅酌有司上言李愚私忌

在致齋內諸私忌日遇大朝會入閣宣召皆赴朝參令

祔廟事大忌日屬私請比大朝會宣召例案五代會要載此奏下有



李愚從事五  
字薛史刪去 從之以陝州節度使康思立為邢州節

度使以同州節度使安重霸為西京留守以羽林右第一軍都指揮使春州刺史楊思權為邠州節度使己酉左監門衛將軍孔知鄴右驍衛將軍華先裔並勒停見任時差知鄴應州告廟稱疾辭命改差先裔復稱馬墜傷足故俱罷之庚戌以司空兼門下侍郎平章事馮道為檢校太尉同平章事充同州節度使以天雄軍節度使范延光為樞密使封齊國公鄆州節度使李從曠為鳳翔節度使辛亥以嚴衛都指揮使尹暉為齊州防禦使甲寅以侍衛馬軍都指揮順化軍節度使安從進為

河陽節度使典軍如故太常卿盧文紀奏明宗一室酌獻舞曲請名雍熙之舞從之丁巳以皇子銀青光祿大夫檢校工部尚書重美為檢校司徒守左衛上將軍自是諸道節度使刺史文武臣僚相繼加檢校官或階爵封邑以帝登位覃慶也戊午以隴州防禦使相里金為陝州節度使初帝以檄書告藩隣唯金遣判官薛文遇往來計事故以節鎮獎之宣徽北院使檢校工部尚書房曷加檢校司空行左威衛大將軍事如故以樞密使左諫議大夫韓昭裔為邢部尚書使如故己未太白晝見以樞密副使劉延朗為左領軍大將軍職如故庚申



左僕射門下侍郎平章事監修國史李愚加特進充太  
徽宮使弘文館大學士餘如故中書侍郎兼吏部尚書  
同平章事集賢院大學士判三司劉昫加門下侍郎兼  
吏部尚書平章事監修國史判三司癸亥秦州奏西川  
孟知祥出軍迫陷成州以宣徽南院使右驍衛大將軍  
郝瓊為左驍衛上將軍職如故以前義州刺史張承祐  
為武勝軍留後戊辰以前右龍武統軍王景戡為右驍  
衛上將軍六月庚午朔改侍衛捧聖軍為彰聖改殿衛  
軍為寧衛壬申封吳岳成德公為靈應王禮秩同五岳  
帝初起遣使祭岳以求祐及登祚故有是報幽州節度

使趙德鈞進封北平王青州節度使房知溫進封東平  
王癸酉以前鄜州節度使索自通為右龍武統軍甲戌  
皇子左衛上將軍重美加檢校太保同平章事充鎮州  
節度使兼河南尹判六軍諸衛事丁丑詔天下見禁罪  
人委所在長吏躬親慮問疾速疏決庚辰幸至德宮因  
幸房知溫安元信范延光索自通李從敏第壬午以檢  
校太子太傅致仕王建立為檢校太尉兼侍中鄆州節  
度使以前宋州節度使安元信為檢校太尉兼侍中潞  
州節度使癸未三司使劉昫奏天下戶民自天成二年  
括定秋夏田稅迄今八年近者相次有百姓詣闕訴由



不均累行蠲放漸失稅額望差朝臣一槩檢視不報甲申帝為故皇子亳州刺史重吉皇長女尼惠明大師幼澄舉哀行服羣臣詣閣門奉慰帝起兵之始重吉幼澄俱為閔帝所害乙酉以戶部侍郎韓彥暉為絳州刺史以左武衛上將軍李肅為單州刺史丙戌襄州節度使趙在禮加同平章事甲午以武勝軍留後張承遷為華州節度使以皇城使宋審虔為壽州節度使充侍衛步軍都指揮使以右衛上將軍劉仲殷為宋州節度使以侍衛步軍都指揮使壽州節度使皇甫遇為鄧州節度使以前華州節度使華溫琪為太子太傅致仕丁酉左

神武統軍周知裕卒贈太傅是月京師大旱熱甚暘死者百餘人秋七月庚子太子少保致仕崔沂卒癸卯鳳翔進偽蜀孟知祥來書稱大蜀皇帝獻書于大唐皇帝且言見迫羣情以今年四月十二日即皇帝位云帝不答以前武州刺史鄭琮為右衛上將軍甲辰幸龍門佛寺禱雨乙巳皇子故亳州團練使重吉贈太尉仍于宋州置廟丁未鳳翔節度使李從曠封西平王是日宰臣李愚劉昫因論公事于政事堂相詬辭甚鄙惡帝令樞密副使劉延朗宣諭曰卿等輔弼之臣不宜如是今後不得更然辛亥以太常卿盧文紀為中書侍郎平章事



是日中書門下三上章請立中宮從之丁巳制立沛國夫人劉氏為皇后庚申太子少傅陳臯卒乙丑史官張昭遠以所撰莊宗朝列傳三十卷上之八月唐午詔蠲放長興四年十二月以前天下所欠殘稅辛未以前尚書左丞姚顛為中書侍郎平章事詔應曾受御署官逐攝同一任正官依期限赴選按徐無黨五代史注云御所置之官以其非吏部署官疑是廢帝初舉兵時正授故須有旨方得選荆南奏偽蜀孟知祥卒其子昶嗣偽位壬申以尚書禮部侍郎鄭韜先為刑部侍郎以前工部侍郎楊凝式為禮部侍郎甲戌以前金州防禦使婁繼英為右神武統軍以右神武統軍高允貞為左

神武統軍乙亥以翰林學士承旨工部尚書知制誥李憚為太常卿以翰林學士戶部侍郎知制誥程遜為學士承旨甲申以兵部侍郎龍敏為吏部侍郎以秘書監崔居儉為工部尚書乙酉以右武衛上將軍張繼祚為右衛上將軍以右驍衛上將軍王景戡為左衛上將軍以右領衛上將軍劉衡為左武衛上將軍以右千牛上將軍王陟為右領軍上將軍以司農卿兼通事舍人判四方館事王景崇為鴻臚卿依前通事舍人判四方館丁亥右龍武統軍索自通卒辛卯禮部尚書致仕李光憲辛甲午以太子少傅盧質為太子少師乙未以前邢



州節度使趙鳳為太子太保詔文武百官差使宜令依  
倫次中書置簿不得重叠若當使者自緣有事或不欲  
行者注簿便當一使自長興三年正月後已曾奉使者  
便為簿首已後差者次第注之有司上言皇后受冊內  
外命婦上牋無答教從之丙申御文明殿冊皇后命使  
攝太尉宰臣盧文紀使副攝司徒右諫議大夫盧損詣  
皇后宮行禮畢恩賜有差九月己亥以久雨分命朝臣  
崇都城門告宗廟社稷辛丑夜有星如五斗器西南流  
尾迹長數丈屈曲如龍形又眾星亂流不可勝數京師  
大雨雹如彈丸曹州刺史藥縱之卒甲辰以霖霖甚詔都

下諸獄委御史憲臺錄問諸州縣差判官令錄親自  
錄問畫時疏理壬子中書門下舉行長興三年勅常年  
荐送舉人州郡行鄉飲酒之時帖太常草定儀注奏聞  
甲寅以前潞州節度使檢校太尉同平章事盧文進為  
安州節度使己未雲州奏契丹寇境冬十月辛未有雉  
金色止於中書政事堂中書門下奏請以正月二十三  
日皇帝誕慶日為千春節從之戊寅宰臣李愚劉昫罷  
相以愚守左僕射昫守右僕射契丹寇雲應州詔河東  
節度使石敬瑭率兵屯代州戊子宰臣姚顛奏吏部三  
銓近年併為一司望令依舊分銓從之辛丑以左衛上



將軍李宏元卒廢朝贈司徒癸巳以禮部郎中知制誥  
呂琦守本官充樞密院直學士十一月辛丑以刑部侍  
郎鄭韜先為尚書右丞以光祿少卿烏昭遠為少府監  
秦州節度使張延朗奏率師代蜀中書門下奏二十六  
日明宗忌陛下初遇忌辰不同常歲請于忌辰前後各  
一日不坐朝從之御史臺奏前任節度使刺史行軍副  
使雖每日于便殿起居每遇五日起居亦合綴班從之  
丙午以前興州刺史馮暉配同州衙前安置暉為興州  
刺史屯乾渠蜀人來侵暉自屯所奔歸鳳翔故有是責丁  
未詔振武新州河東西北邊經契丹蹂踐處放免三年

兩稅差配時契丹初退故也癸丑以前華州節度使王  
萬榮為左驍衛上將軍致仕甲寅以振武節度使楊光  
遠充大同乾國振武威塞等軍兵馬都虞候以前右金  
吾大將軍穆延暉為右武衛上將軍壬戌以禮部侍郎  
楊凝式為戶部侍郎甲子以中書舍人盧導為禮部侍  
郎十二月丁卯朔詔修奉本朝諸帝陵寢己巳以北面  
馬軍都指揮使易州刺史安叔干為安北都護振武節  
度使以濟州防禦使尹暉為乾國軍節度使庚午詔葬  
庶人從榮有司上言依貞觀中庶人承乾以公禮葬從  
之乙亥以秦州節度使張延朗為中書侍郎同平章事



判三司以中書侍郎平章事盧文紀為門下侍郎平章事監脩國史以中書侍郎平章事姚顛兼集賢殿大學士以前邠州節度使康福為秦州節度使丙戌夜有白氣東西亘天庚寅幸龍門祈雪自九月至是無雨雪故也永樂大典卷一千七百七十四

舊五代史卷四十七

宋司空同中書門下平章事薛居正等撰

末帝紀中

唐書二十三

清泰二年春正月丙申朔帝御明堂殿受朝賀仗衛如式乙巳中書門下奏遇千春節凡刑獄公事奏覆候次日施行今後請重繫者即候次日輕繫者即節前奏覆決遣從之戊申宗正寺奏北京應州曹州諸陵望差本州府長官朝拜案五代會要載宗正寺原奏云北京永曹州溫陵例下本州府官朝拜是曹州先以府官朝拜北京應州後從其例也薛史刪併原文似未分晰雍坤和徽四陵差太常宗正卿朝拜從之己酉北京奏先



祿卿致仕周元豹卒唐申鄴都進天王甲帝在藩時有  
相士言帝如毗沙天王帝知之竊喜及即位選軍士之  
魁偉者被以天王甲俾居宿衛因詔諸道造此甲而進  
之三司奏添徵蠶鹽錢及增麴價先是麴斤八十文增  
至一百五十文乙丑雲州節度使張溫移鎮晉州以西  
京留守安重霸為雲州節度使二月庚午定州節度使  
兗王從溫移鎮兗州振武節度使楊檀移鎮定州兼北面  
行營馬步都虞候甲戌以安州節度使李周為京兆  
尹充西京留守以樞密使天雄軍節度使范延先為檢  
校太師兼中書令充汴州節度使皇子鎮州節度使兼

存

河南尹判六軍諸衛事左右街坊使重美加檢校太尉  
同平章事充天雄軍節度使餘如故辛巳以右諫議大  
夫盧損為御史中丞以御史中丞張鵬為刑部侍郎壬  
午寧遠軍節度使馬加兼侍中鎮南軍節度使馬希  
振加兼中書令詔順義軍節度使姚彥璋加兼侍中己丑  
宰臣盧文紀等上皇妣魯國太夫人尊謚曰宣憲皇太  
后請擇日冊命從之三月戊戌故太子太保趙鳳贈太  
傅辛丑以前汴州節度使趙延壽為許州節度使兼樞  
密使以夏州行軍司馬李彝殷為本州節度使兄彝超  
卒故也癸卯以靜海軍節度使檢校太師兼中書令安



南都護錢元鍊為留守太保餘如故丙午以給事中趙光輔為右散騎常侍戊申皇妹魏國夫人石氏封晉國長公主齊國公主趙氏封燕國長公主己酉有司上言宣憲皇后未及山陵權於舊陵所建廟從之辛亥功德使奏每年誕節諸州府奏薦僧道其僧尼欲立講論科講經科表白科文章科應制科持念科禪科教贊科道士欲立經法科講論科文章應制科表白科教贊科焚修科以試其能否從之丙辰以右龍武統軍李德琬為涇州節度使庚申以鎮州節度使知軍府事董溫琪為鎮州節度使檢校太保壬戌以左右彰聖都指揮使富州

刺史安審琦領楚州順化軍節度使軍職如故審琦受閔帝命西征至鳳翔而降故有是命是月太常丞史在德上疏言事其畧曰朝廷任人率多濫進稱武士者不閑計策雖被堅執銳戰則棄甲窮則背軍稱文士者鮮有藝能多無士行問策謀則杜口作文字則倩人所謂虛設其員枉耗國力逢陛下維新之運是文明革弊之秋臣請應內外所管軍人凡勝衣甲者請宣下本部大將一一考試武藝短長權謀深淺居下位有將才者便拔為大將居上位無將畧者移之下軍其東班臣寮請內出策題下中書令宰臣面試如下位有大才者便拔



居大位處大位無大才者即移之下僚其疏大約如此  
盧文紀等見其奏不悅班行亦多憤悱故諫官劉濤楊  
昭儉等上疏請出在德疏辨可否宣行中書覆奏亦駁  
其錯誤帝詔學士馬裔孫謂曰史在德語太凶其寔難  
容朕初臨天下須開言路若朝士以言獲罪誰敢言者  
爾代朕作詔勿加在德之罪詔曰左補闕劉濤等奏太  
常丞史在德所上章疏中書門下駁奏未奉宣諭乞特  
施行分明黜陟朕常覽貞觀故事見太宗之治理以貞  
觀昇平之運太宗明聖之君野無遺賢朝無闕政盡善  
盡美無得而名而陝縣丞皇甫德參輒上封章恣行訕

謗人臣無禮罪不容誅賴文貞之彌縫怒德參之狂瞽  
魏徵奏太宗曰陛下思問得失只可恣其所陳若所言  
不中亦何損于國家朕每思之誠要言也遂得下情上  
達德盛業隆太宗之道彌光文貞之節斯著朕惟寡昧  
獲奉宗祧業業兢兢不克荷思欲率循古道簡拔時  
材懷忠抱直之人虛心渴見便佞隨之說杜耳惡聞  
史在德近所獻陳誠無避忌中書以文字紕繆比類僭  
差改易人名觸犯廟諱請歸憲法以示戒懲蓋以中書  
既委參詳合盡事理朕續承前緒誘勸將來多言數窮  
雖聖祖之所戒千慮一得異愚者之可從因覽文貞之



言遂寬在德之罪已令停寢不遣宣行劉清等官列諫  
垣宜陳謹議請定短長之理以行黜陟之文昔魏徵則  
請賞德參今濤等請在德事同言異何相遠哉將議允  
愈恐虧聞納方朝廷粗理俊又畢臻留一在德不足為  
多去一在德未足為少苟可懲勸朕何憂焉但緣情在  
傾翰理難默責濤等敷奏朕亦優容宜體含弘勉思竭  
盡凡百在下悉聽朕言夏四月辛巳宰相判三司張  
延朗奏州縣官徵科條格其令錄在任徵科依限了絕  
一年加階兩年與試銜三年皆及限了絕與服色攝任  
者一年內了絕及攝二年三年內皆及限與真命其主

簿同縣令條本判官一年加階二年改試銜三年轉官  
本曹官省限內了絕與試銜諸節級三年內並了絕者  
與賞錢三十貫其責罰依天成四年五月五日勅施行  
從之癸未御史中丞盧損等進清泰元年以前十一年  
制勅堪悠久施行者三百九十四道編為三十卷其不  
中選者各令所司封閉不得行用詔其新編勅如可施  
行付御史臺頒行以宰相盧文紀兼太微宮使弘文館  
大學士姚顛加門下侍郎監修國史張延朗兼集賢殿  
大學士以樞密使韓昭裔為中書侍郎兼兵部尚書平  
章事充樞密使乙酉以前武勝軍節度使張萬進為廊



州節度使辛卯以宣徽南院使劉延皓為刑部尚書充  
樞密使以司天監耿瑗為太府卿以偽蜀右衛上將軍  
胡杲通為司天監以宣徽北院使房嵩為左衛上將軍  
充宣徽南院使以樞密副使劉延朗為左領軍上將軍  
充宣徽北院使兼樞密副使五月丙申新州張武奏契  
丹寇境乙巳詔天下見禁囚徒自五月十二日以前除  
十惡五逆放火燒舍持杖殺人官典犯賊偽行印信合  
造毒藥并見欠省錢外罪無輕重一切釋放庚戌詔不  
得貢奉寶裝龍鳳雕鏤刺作組織之物庚戌中書奏準  
勅凡廟諱但迴避正文其偏旁文字不在減少點畫今

定州節度使楊檀檀州金壇等名酌情制宜並請改之  
其表章文案偏旁字關點畫凡臣寮名涉偏旁亦請改  
名詔曰偏旁文字音韻懸殊止避正呼不宜全改楊檀  
賜名光遠餘依舊甲寅以戶部侍郎楊凝式為秘書監  
以尚書禮部侍郎盧導為尚書右丞以尚書右丞鄭韜  
先為尚書左丞丙辰以端明殿學士李專美為兵部侍  
郎以端明殿學士李崧為戶部侍郎以翰林學士馬裔  
孫為禮部侍郎以禮部郎中充樞密院直學士呂琦為  
給事中並充職如故太子少保致仕任園贈尚書右僕  
射以順化軍節度使兼彰聖都指揮使北面行營排陣



使安審琦為邢州節度使庚申以兵部尚書李璘為太常卿以禮部尚書王權為戶部尚書以太常卿李憐為禮部尚書癸亥以六軍諸衛判官給事中張允為右散騎常侍六月甲子朔新州上言契丹入寇乙丑有司上言宣憲皇太后陵請以順從為名從之振武奏契丹二萬騎在黑榆林丁卯以太子少保致仕朱漢賓卒廢朝壬申命史館修撰明宗實錄契丹寇應州以新州節度使楊漢賓為同州節度使以前晉州節度使翟璋為新州節度使庚辰北面招討使趙德鈞奏行營馬步軍都虞侯定州節度使楊光遠行營排陣使邢州節度使安

審琦帥本軍至易州見進軍追襲契丹次河東節度使石敬瑭奏邊軍乏芻糧其安重榮巡邊兵士欲移振武就糧從之尋又奏懷孟租稅請指揮於忻代州輸納朝廷以邊儲不給詔河東戶民積粟處量事抄借仍於鎮州支絹五萬疋送河東充博粟之直是月北面轉運副使劉福配鎮州百姓車子一千五百乘運糧至代州時水旱民飢河北諸州困于飛輓逃潰者甚衆軍前使者繼至督促糧運由是生靈恣怨李己詔諸州府署醫博士丙戌以前許州節度使李從昶為右龍武統軍以前彰國軍節度使沙彥珣為右神武統軍秋七月丙申石



敬瑭奏斬挾馬都指揮使李暉等三十六人以謀亂故

契丹國志契丹屢攻北邊時石敬瑭將大兵屯忻州路王遣使賜

軍士夏衣傳詔撫諭軍士呼萬歲者數四敬瑭懼幕僚段希堯請

誅其倡者敬瑭命劉知遠斬三十六人以殉路王聞益疑之

聖躬請只以月首入閣五日起居依舊又準天成三年

五月長興二年七月勅許諸州節度使帶使相歲薦寮

屬五人餘薦三人防禦團練使薦二人令乞行釐革又

長興二年八月勅州縣佐官差充馬步判官仍同一任

乞行止絕依舊衙前選補詔曰今後藩臣帶使相許薦

三人餘薦二人直屬京防禦團練使薦一人餘並從之丁

酉迴統可汗仁美遣使貢方物西京弓弩指揮使任漢

權奏六月二十一日與川軍戰於金州之漢陰王師不

利其步下兵士除傷瘡外已至鳳翔先是鹽屋鎮將劉

贊引軍入川界為蜀將全師郁所敗金州都監崔處訥

重傷諸州屯兵潰散金州防禦使馬全節收合州兵固

守獲全以樞密使劉延皓為天雄軍節度使甲辰以右

神武統軍沙老珣權知雲州乙巳以徐州節度使張敬

達充北面行營副總管時契丹入邊石敬瑭屢請益兵

朝廷軍士多在北部俄聞忻州諸軍呼譟帝不悅乃命

敬達為北軍之副以減敬瑭之權也丁巳宰臣盧文紀



新字國母  
傳字夏子連  
新字國母  
傳字夏子連

敬瑭奏斬撲馬都指揮使李暉等三十六人以謀亂故也時石敬瑭以兵屯忻州一日軍士喧譟遽呼萬歲乃斬暉等以止之御史中丞盧損奏準天成二年七月勅每月首十五日入閣罷五日起居臣以為中旬排仗有勞聖躬請只以月首入閣五日起居依舊又準天成三年五月長興二年七月勅許諸州節度使帶使相歲薦寮屬五人餘薦三人防禦團練使薦二人令乞行釐革又長興二年八月勅州縣佐官差充馬步判官仍同一任乞行止絕依舊衙前選補詔曰今後藩臣帶使相許薦三人餘薦二人直屬京防禦團練使薦一人餘並從之丁

酉迴統可汗仁美遣使貢方物西京弓弩指揮使任漢權奏六月二十一日與川軍戰於全州之漢陰王師不利其步下兵士除傷瘕外已至鳳翔先是鹽屋鎮將劉贊引軍入川界為蜀將全師郁所敗全州都監崔處訥重傷諸州屯兵潰散全州防禦使馬全節收合州兵固守獲全以樞密使劉延皓為天雄軍節度使甲辰以右神武統軍沙老珣權知雲州乙巳以徐州節度使張敬達充北面行營副總管時契丹入邊石敬瑭屢請益兵朝廷軍士多在北鄙俄聞忻州諸軍呼譟帝不悅乃命敬達為北軍之副以減敬瑭之權也丁巳宰臣盧文紀



等上疏其畧曰臣近蒙召對面奉天旨凡軍國庶事利害可否卿等合盡言者臣等謬處台衡奉行制勅但緣事理互有區分軍戎不在於職司錢穀非關于局分苟陳異見即類侵官况才不濟時識非經遠因五日起居之例於兩班旅見之時畧獲對敷兼承顧問衛士周環於階陛庶臣羅列於殿廷四面聚觀十手所指臣等苟欲各申愚短此時安敢敷陳韓非昔惧於說難孟子亦憂於言責臣竊奉本朝政事肅宗初平寇難再復寰瀛頗經涉於艱難尤勤勞於委任每正衙奏事則泛咨訪於羣臣及便殿詢謀則獨對敷於四輔自上元年後於

長安東內置延英殿宰臣如有奏議聖旨或有特宣皆於前一日上聞對御之時祇奉冕旒旁無侍衛獻可替否得曲盡于討論捨短從長故無虞於漏洩君臣之際情理坦然伏望聖慈俯循故事或有事關軍國謀繫臧否果決於聖懷要詢訪於臣輩則請依延英故事前一日傳宣或臣等有所聽聞切關利害難形文字須面敷敷臣等亦依故事前一日請開延英當君臣奏議之時祇請機要臣寮侍立左右兼乞稍霽威嚴恕臣荒拙雖乏鷹鷂之効庶盡葵藿之心詔曰卿等濟代英才鎮時碩德或締構於興王之日或經綸於續聖之時藍梅



之任俱從藥石之言並切請復延英之制以申議政之  
規而况列聖遺芳皇朝盛事載詳徵引良切歎嘉恭惟  
五日起居先皇垂範俟百寮之俱退召四輔以獨昇接  
以溫顏詢其理道計此時作事之意亦昔日延英之流  
朕叨獲嗣承切思遵守將成其美不棄兼行其五日起  
居仍令仍舊尋常公事亦可便舉奏聞或事屬機宜理  
當秘密量事緊慢不限隔日及當日便可於閣門祇候  
具勝子奏聞請面敷敷即當盡屏侍臣端居便殿仔聞  
高議以慰虛懷朕或要見卿時亦令當時宣召但能務  
致理之實何必拘延英之名有事足可以討論有言足

可以陳述宜以沃心為務勿以逐耳為虞勉罄謀猷以  
裨寡昧帝性仁慈聽納不倦嘗因朝會謂盧文紀等曰  
朕在藩時人說唐代為人主端拱而天下治蓋以外特  
將校內倚謀臣故端拱而事辦朕荷先朝鴻業卿等先  
朝舊臣每一相見除承奉外畧無社稷大計一言相救  
坐視臣之寡昧其如宗社何文紀等引咎致謝因奏延  
英故事故有是詔八月庚午滑州節度使高允韜卒壬  
申以右衛上將軍王景戡為左衛上將軍以右神武統  
軍婁繼英為右衛上將軍己卯以西上閤門使行少府  
少監魚通事舍人蘇繼顏為司農卿職如故辛巳以權



知雲州右神武統軍沙彥珣為雲州節度使鄰都殺人  
賊陳延嗣并母妹妻等並棄市延嗣父子相承與其妹  
妻於諸州郡誘人殺之而奪其財前後被殺者數百人  
至是事泄而誅之癸未以前潞州行軍司馬陳元為將  
作監以元善醫故有是命丁亥以潞州團練使李彥舜  
為義武軍節度使檢校太傅太原奏達靺鞨部旅於靈邱  
安置己丑以太子少保致仕戴思遠卒廢朝唐寅以前  
兗州節度使楊漢章為左神武統軍以前邢州節度使  
康思立為右神武統軍潞州奏前雲州節度使安重霸  
卒九月己亥以河陽節度使侍衛馬軍都指揮使安從

進為襄州節度使以襄州節度使趙在禮為宋州節度  
使癸卯以忠正軍節度使侍衛步軍都指揮使宋審虔  
為河陽節度使典軍如故己酉禮部貢院奏進士請夜  
試童子依舊表薦重置明算道舉舉人落第後別取文  
解五科試紙不用中書印用本司印並從之以宣徽南  
院使房嵩為刑部尚書充樞密使以宣徽北院使充樞密  
副使劉延朗為宣徽南院使充樞密副使丙辰以左僕  
射李晟卒廢朝冬十月丁卯幸崇道宮甘泉亭己巳  
以左衛上將軍李頊為左領軍上將軍北面行營總管  
石敬瑭奏自代州歸鎮庚午以晉州節度使張溫卒廢



朝甲戌奉趙延壽張延朗第丁丑以端明殿學士兵部  
侍郎李專美為秘書監充宣徽北院使庚寅以左諫議  
大夫唐訥為左散騎常侍十一月庚子以左驍衛上將  
軍郝瓊為左金吾上將軍以光祿卿王政為太子賓客  
以徐州節度使張敬達為晉州節度使依前充大同振

通鑑  
劉延朗欲除全節絳州刺史羣議沸騰帝聞之以為橫海留  
後

渤海國遣使朝貢十二月戊辰禁用鈔錢壬辰以中書  
侍郎兼兵部尚書充樞密使韓昭裔為檢校司空同平  
章事充河中節度使甲戌以宗正少卿李延祚為將作

監致仕丁丑故武安軍州節度使累贈太傅劉建峯贈  
太尉從湖南之請也戊寅太常奏來年正月上辛  
祀昊天上帝於圜丘依禮大祠不朝詔曰祀事在質明  
前儀仗在日出後事不相妨宜常年受朝壬午以翰林  
學士承旨戶部侍郎程遂為兵部侍郎翰林學士工部  
侍郎崔稅為戶部侍郎翰林學士中書舍人和凝為工  
部侍郎並依前充職乙酉以前秘書監楊凝式為兵部  
侍郎己丑以前同州節度使馮道為司空以尚書右僕  
射劉昫為左僕射以太子少師盧質為左僕射以兵部  
侍郎馬縞兼國子祭酒

承樂大典卷七  
千一百七十四



朝甲戌奉趙延壽張延朗第丁丑以端明殿學士兵部  
侍郎李專美為秘書監充宣徽北院使唐寅以左諫議  
大夫唐訥為左散騎常侍十一月庚子以左驍衛上將  
軍郝瓊為左金吾上將軍以光祿卿王政為太子賓客  
以徐州節度使張敬達為晉州節度使依前充大同振  
武威塞貳國等軍馬兵副總管丁未以秘書少監丁濟  
為太子詹事乙卯以前金州防禦使馬全節為滄州留後  
渤海國遣使朝貢十二月戊辰禁用鉛錢壬辰以中書  
侍郎兼兵部尚書充樞密使韓昭裔為檢校司空同平  
章事充河中節度使甲戌以宗正少卿李延祚為將作

監致仕丁丑故武安軍州節度使累贈太傅劉建峯贈  
太尉從湖南之請也戊寅太常奏來年正月上辛  
祀昊天上帝於圜丘依禮大祠不朝詔曰祀事在質明  
前儀仗在日出後事不相妨宜常年受朝壬午以翰林  
學士承旨戶部侍郎程遂為兵部侍郎翰林學士工部  
侍郎崔暹為戶部侍郎翰林學士中書舍人和凝為工  
部侍郎並依前充職乙酉以前秘書監楊凝式為兵部  
侍郎己丑以前同州節度使馮道為司空以尚書右僕  
射劉昫為左僕射以太子少師盧質為左僕射以兵部  
侍郎馬縞兼國子祭酒

永樂大典卷七  
千一百七十四



舊五代史卷四十八

宋司空同中書門下平章事薛居正等撰

末帝紀下

唐書二十四

清泰三年春正月辛卯朔帝御文明殿受朝賀仗衛如  
式乙未百濟遣使獻方物戊戌幸龍門佛寺祈雪癸卯  
以給事中充樞密院直學士呂琦為端明殿學士以六  
軍諸衛判官尚書工部郎中薛文遇為樞密院直學士  
乙巳以上元夜京城張燈帝微行置酒於趙延壽之第  
丁未皇子河南尹判六軍諸衛事重美封雍王己未以  
前司農卿王彥鎔為太僕卿二月戊辰吐渾寧朔兩府



留後李可久加檢校司徒可久本姓白氏前朝賜姓唐

五代會要	同修撰官	中書舍人	張昭遠	李祥直	館左拾遺	吳承範
右拾遺	楊昭儉	等各	頒發	有差		

州節度判官張登為大理卿丁丑以太常卿李鱗為兵部尚書以兵部尚書梁文矩為太常卿庚辰以前鄜州節度使皇甫立為潞州節度使辛巳以前均州刺史仇暉為左威衛上將軍保順軍節度使鮑君福加檢校太尉同平章事丁亥以昭義節度使安元信卒廢朝三日唐于中書門下奏準閣門分析內外官辭見謝規例諸州判官軍將進奉到關舊例門見門辭今後只令朝見

請

依舊門辭新除諸道判官書記以下無例中謝並放謝放辭得替到京無例見今後兩使判官許中謝赴任即門辭其書記以下並依舊例朝臣文武品武四品以上舊例中謝其以下無例對謝令謝儀天成四年正月勅凡升朝官並許中謝諸道都押衙馬步都指揮虞侯鎮將諸色場院無例謝辭並進勝子放謝放辭得替到關無例入見在京監趨稅官兩官巡即許中謝新除令錄並中謝次日門辭兼有口勅誠文武兩班所差弔祭使及告廟祠祭只正衙辭不赴內殿諸道進奏官到關見得假進勝子門辭從之辛丑權知福建節度使王昶奏



同書  
卷之五  
宗寶錄

留後李可久加檢校司徒可久本姓白氏前朝賜姓唐  
牛監脩國史姚顛史官張昭遠李祥吳承範等修撰明  
宗寶錄三十卷上之以大理卿竇維為光祿卿以前許  
州節度判官張登為大理卿丁丑以太常卿李鱗為兵  
部尚書以兵部尚書梁文矩為太常卿庚辰以前鄜州  
節度使皇甫立為潞州節度使辛巳以前均州刺史仇  
暉為左威衛上將軍保順軍節度使鮑君福加檢校太  
尉同平章事丁亥以昭義節度使安元信卒廢朝三日  
唐于中書門下奏準閣門分析內外官辭見謝規例諸  
州判官軍將進奉到關舊例門見門辭今後只令朝見

請

依舊門辭新除諸道判官書記以下無例中謝並放謝  
放辭得替到京無例見今後兩使判官許中謝赴任即  
門辭其書記以下並依舊例朝臣文武品武四品以上  
舊例中謝其以下無例對謝令謝像天成四年正月勅  
凡升朝官並許中謝諸道都押衙馬步都指揮虞侯鎮  
將諸色場院無例謝辭並進勝子放謝放辭得替到關  
無例入見在京監趨稅官兩官巡即許中謝新除令錄  
並中謝次日門辭兼有口勅誠文武兩班所差弔祭使  
及告廟祠祭只正衙辭不赴內殿諸道進奏官到關見  
得假進勝子門辭從之辛丑權知福建節度使王昶奏



中丞蓋疎之也	案通鑑呂琦與李崧建和親契丹之策為薛文遇所沮改為御史
--------	---------------------------

節度使王延鈞以去年十月十四日卒是時延鈞父子  
 雖僭竊於閩嶺猶稱藩於朝廷故有是奏甲辰以右神  
 武統軍楊漢章為彰武軍節度使丙午以翰林學士禮  
 部侍郎馬裔孫為中書侍郎司平章事丁未以高昌  
 善大夫知雜侍御史韋稅責授太僕寺丞侍御史魏遜  
 責授太府寺主簿侍御史王岳責授司農寺主簿初延  
 州保安鎮將白文審聞兵興岐山專殺郡人趙思謙等  
 十餘人已伏其罪復下臺追繫推鞠未竟會去年五月  
 十二日德音除十惡五逆放火殺人外並放盧損輕

易即破械釋文審帝大怒收文審誅之臺司稱奉德音  
 釋放不得追領祇證中書詰云德音言不在追窮枝蔓  
 無不得追領祇證六字擅改勅語大理斷以失出罪人  
 論故有是命是日有蛇鼠鬪于師子門外鼠生而蛇死  
 夏四月己未朔以左衛上將軍王景戡為左神武統軍  
 以右領軍上將軍李頊為華清宮使戊辰以太子詹事  
 盧演為工部尚書致仕辛未以中書舍人史館修撰張  
 昭遠為禮部侍郎以前滄州節度使李金全為右領軍  
 上將軍是月有熊入京城搏人五月辛卯以河東節度  
 使兼大同彰國振武威塞等軍蕃漢馬步總管檢校太



節度使王延鈞以去年十月十四日卒是時延鈞父子  
雖僭竊於閩嶺猶稱藩於朝廷故有是奏甲辰以右神  
武統軍楊漢章為彰武軍節度使丙午以翰林學士禮  
部侍郎馬裔孫為中書侍郎同平章事丁巳以端明殿  
學士呂琦為御史中丞戊午御史中丞盧損責授右贊  
善大夫知雜侍御史韋稅責授太僕寺丞侍御史魏遜  
責授太府寺主簿侍御史王岳責授司農寺主簿初延  
州保安鎮將白文審聞兵興岐山舉殺郡人趙思謙等  
十餘人已伏其罪復下臺追繫推鞠未竟會去年五月  
十二日德音除十惡五逆放火殺人外並放盧損輕

易即破械釋文審帝大怒收文審誅之臺司稱奉德音  
釋放不得追領祇證中書詰云德音言不在追窮枝蔓  
無不得追領祇證六字擅改勅語大理斷以失出罪人  
論故有是命是日有蛇鼠闖于師子門外鼠生而蛇死  
夏四月己未朔以左衛上將軍王景戡為左神武統軍  
以右領軍上將軍李頊為華清宮使戊辰以太子詹事  
盧演為工部尚書致仕辛未以中書舍人史館修撰張  
昭遠為禮部侍郎以前滄州節度使李金全為右領軍  
上將軍是月有熊入京城搏人五月辛卯以河東節度  
使兼大同彰國振武威塞等軍蕃漢馬步總管檢校太

出得已  
理  
事  
中



師兼中書令駙馬都尉石敬瑭為鄆州節度使進封趙  
國公以河陽節度使充侍衛馬步軍都指揮使宋審虔  
為河東節度使甲午以前晉州節度使大同軫國振武  
威塞等軍蕃漢副總管張敬達充西北面蕃漢馬步都  
部署落副總管乙未詔諸州兩使判官畿赤令有闕取  
省即遺補丞博少列官寮選擇擢任案以上疑有脫誤以忠正  
軍節度使侍衛步軍都指揮使張彥琪為河陽節度使  
充侍衛馬軍都指揮使以軫聖都指揮使饒州刺史符  
彥饒為忠正軍節度使充侍衛步軍都指揮使丙申以  
雍王重美與汴州節度使范延光結婚詔究王從溫主之

丁酉以國子祭酒馬縞卒廢朝戊戌昭義奏河東節度  
使石敬瑭叛以鴻臚卿兼通事舍人判四方館王景崇  
為衛尉卿充引進使壬寅削奪石敬瑭官爵便令張敬  
達進軍攻討乙卯以晉州節度使張敬達為太原四面  
兵馬都部署尋改為招討使以河陽節度使侍衛馬軍  
都指揮使張彥琪為太原四面馬步軍都指揮使以邢  
州節度使相里金為太原四面步軍都指揮使以右監  
門上將軍武廷翰為壕寨使丙辰以定州節度使楊光  
遠為太原四面兵馬副部署兼馬步都虞侯使楊光遠  
為太原四面兵馬副部署兼馬步都虞侯尋改為太原



四面副招討使都虞侯如故以前勳武軍節度使高行  
周為太原四面招撫兼排陳使初帝疑河東有異志與  
近臣語及其事帝曰石即與朕近親在不疑之地流言  
毀譽朕心自明萬一失歡如何和解左右皆不對翌日  
欲移石敬瑭於鄆州房嵩等堅言不可司天監趙延義  
亦言星辰失度尤宜安靜由是稍緩其事會彝文遇獨  
宿于禁中帝召之諭以太原之事文遇奏曰臣聞作舍  
於道三年不成國家利害斷自宸旨以臣料之石敬瑭  
除亦叛不除亦叛不如先事圖之帝喜曰聞卿此言豁  
吾憤氣先是有人言國家明年合得一賢佐主謀平定

天下帝意亦疑賢佐者屬在文遇即令手書除日子夜  
下學士院草制翌日宣制之際兩班失色居六七日敬  
瑭上章云明宗社稷陛下纂承未契輿情宜推令辟許  
王先朝血緒養德皇闡儻循當璧之言免負闕牆之議  
帝覽奏不悅手攘抵地召馬裔孫草詔報曰父有社稷  
傳之於子君有禍難倚之於親卿於鄂王故非疎遠往  
歲衛州之事天下皆知今朝許王之言人誰肯信英賢  
立事安肯如斯云戊申張敬達奏西北面先鋒都指揮  
使安審信率雄義左第二指揮二百二十七騎并部下  
共五百騎剽劫百井叛入太原又奏大軍已至太原城



下詔安審信及雄義兵士妻男並處斬家產沒官先是  
雄義都在代州屯戍其指揮使安元信謀殺代州刺史  
張朗事洩戍兵自潰奔安審信軍審信與之入太原太  
常奏於河南府東權立宣憲太后寢宮從之己酉振武  
節度使安叔千奏西北界巡檢使安重榮驅掠戍兵五  
百騎叛入太原以新授河東節度使宋審虔為宣州節  
度使充侍衛馬軍都指揮使壬子鄴都屯駐捧聖都虞  
侯張令昭逐節度使劉延皓據城叛翌日令昭召副使  
邊仁嗣已下逼令奏請節旄六月辛酉天雄軍節度使  
劉延皓削奪官爵勒歸私第癸亥以天雄軍守禦右捧

聖第二軍都虞侯張令昭為檢校司空行右千牛將軍  
權知天雄軍府事丙寅御敷政殿遣工部尚書崔居儉  
奉宣憲皇太后寶冊於寢宮時陵園在河東遼會兵興  
故權於京城修奉寢宮上謚焉己巳以西上閣門副使  
少府監魚通事舍人劉頎為鴻臚卿職如故庚午詔曰  
時雨稍愆頗傷農稼分命朝臣祈禱辛未工部尚書致  
仕許寂卒以權知魏府事壬午將軍張令昭為齊州  
防禦使以捧聖右第三指揮使邢立為德州刺史以捧  
聖第五指揮使康福進為鄭州刺史甲戌以汴州節度  
使范延光為天雄軍四面招討使知行府事丙子以西



京留守李周為天雄軍四面副招討使兼兵馬都監詔  
河東將佐節度判官趙瑩以下十四人並籍沒家產秋  
七月戊子范延光奏領軍至鄴都攻城己丑誅右衛上  
將軍石重英皇城副使石重裔皆敬瑭之子也時重英  
等匿於民家井中獲而誅之并族所匿之家奚首領達  
刺干遣通事介老奏奚王李素姑謀叛入契丹已處斬  
訖達刺干權知本部落事辛卯沂州奏誅都指揮使石  
敬德并族其家敬瑭之弟也乙未以前戴武軍節度使  
高行周為潞州節度使充太原四面招撫排陣使以潞  
州節度使皇甫立為華州節度使丁酉雲州節度使沙

彥珣奏此月二日夜步軍指揮使桑遷作亂以兵圍子  
城彥珣突圍出城就西山據雷公口三日招集兵士入  
城誅亂軍軍城如故辛丑以將作監丞介國公宇文頡  
為汝州襄城令乙巳以衛尉卿聶延祚為太子賓客戊  
申范延光奏此月二十一日收復鄴都羣臣稱賀己酉  
以禮部侍郎張昭遠為御史中丞以御史中丞呂琦為  
禮部侍郎充端明殿學士庚戌中書奏劉延皓賓佐等  
帥臣既已削奪其行軍司馬李延筠副使邊仁嗣以下  
望命放歸田里奏入帝大怒詔大理曰帥臣失守已行  
削奪其寮佐合當何罪既而竟依中書所奏壬子詔范



延光誅張令昭部下五指揮及忠銳忠肅兩指揮繼范  
延光奏追兵遣襲張令昭部下敗兵至邢州沙河斬首  
三百級并獻張令昭邢立李貴等首級又奏獲張令昭  
同惡捧聖指揮使米全以下諸指揮使都頭凡十三人  
并磔於府門癸丑左衛上將軍仇暉卒洺州奏擒獲魏  
府作亂捧聖指揮使馬彥柔以下五十八人邢磁州相  
次擒獲亂兵並送京師獻聖指揮使張萬迪以部下五  
百騎叛入太原詔誅家屬于懷州本營八月戊午契丹  
遣使美稜舊作梅里入朝己未以汴州節度使范延光  
為天雄軍節度使守太傅兼中書令以西京留守李周

為汴州節度使檢校太尉同平章事癸亥應州奏契丹  
三千騎迫城詔端明殿學士呂琦往河東忻代諸屯戍  
所搗軍以左龍武大將軍袁義為右監門上將軍以振  
武軍節度使安叔干充代北兵馬都部署己巳雲州沙  
彥珣奏供奉官李讓勳送夏衣到州縱酒凌轢軍都行  
劫殺兵馬都監張思慙都指揮黨行進其李讓勳已處  
處斬訖張敬達奏造五龍橋攻太原城次戊寅以鎮州節  
度使董溫琪充東北面副招討使己卯洺州獻野蘭  
二十斤辛巳張敬達奏賊城內出騎軍三十隊步卒三  
千人衝長連城高行周襲殺入壕溺死者大半擒賊將



安小喜以下百餘人甲馬一百八十四匹九月甲辰張敬  
達奏此月十五日與契丹戰於太原城下王師敗績時  
契丹主自率部族來援太原高行周符彥卿率左右廂  
騎軍出關蕃軍引退已後時蕃軍復成列張敬達楊光  
遠安審琦等陣於賊城西北倚山橫陣諸將奮擊蕃軍  
屢却至晡我騎軍將移陣蕃軍如山而進王師大敗投  
兵仗相籍而死者山積是夕收合餘衆保於晉祠南晉  
安寨蕃軍整而圍之自是音聞阻絕朝廷大恐是日遣  
使侍衛步軍都指揮使符彥饒率兵屯河陽詔范延光  
率兵由青山路趨榆次詔幽州趙德鈞由飛狐路出敵

軍後輝州防禦使潘環合防戍軍出磁陘以援張敬達  
以前絳州刺史韓彥輝為太子賓客契丹主移帳於柳  
林乙巳詔取二十二日幸北面軍前戊申帝發京師路  
經徽陵帝親行謁奠夕次河陽召羣臣議進取盧文紀  
勸帝駐河橋庶戎樞密使趙延壽先赴潞州辛亥幸懷  
州召吏部侍郎龍敏訪以機事敏勸帝立東丹王贊華  
為東丹主以兵安其入蕃則契丹主有後顧之患不能

遼史義宗傳云倍雖在異國常思其親問安之使不絕後明宗養

清史長編

子從珂弒其君自立倍密報太宗曰從珂弒君盍討之是東丹王
實啓兵端唐君臣或知其陰謀故龍敏之說不行



安小喜以下百餘人甲馬一百八十匹九月甲辰張敬  
達奏此月十五日與契丹戰於太原城下王師敗績時  
契丹主自率部族來援太原高行周符存鄉率左右廂  
騎軍出關蕃軍引退已後時蕃軍復成列張敬達楊光  
遠安審琦等陣於賊城西北倚山橫陣諸將奮擊蕃軍  
屢却至晡我騎軍將移陣蕃軍如山而進王師大敗投  
兵仗相籍而死者山積是夕收合餘衆保於晉祠南晉  
安寨蕃軍整而圍之自是音聞阻絕朝廷大恐是日遣  
使侍衛步軍都指揮使符存饒率兵屯河陽詔范延光  
率兵由青山路趨榆次詔幽州趙德鈞由飛狐路出敵

軍後輝州防禦使潘環合防戍軍出磁陘以援張敬達  
以前絳州刺史韓彥輝為太子賓客契丹主移帳於柳  
林乙巳詔取二十二日辛北面軍前戍申帝發京師路  
經徽陵帝親行謁奠夕次河陽召羣臣議進取盧文紀  
勸帝駐河橋庶戍樞密使趙延壽先赴潞州辛亥幸懷  
州召吏部侍郎龍敏訪以機事敏勸帝立東丹王贊華  
為契丹主以兵援送入蕃則契丹主有後顧之患不能  
久駐漢地矣深以為然竟不行其謀帝自是西不行其謀飲悲  
最形神慘阻臣下勸其親征則曰卿輩勿說石即使我  
心膽墮地其怯憊也如此冬十月丁巳夜彗星出虛危

六	身	身	身
身	身	身	身
身	身	身	身
身	身	身	身
身	身	身	身
身	身	身	身
身	身	身	身
身	身	身	身



大字  
戊辰代州刺史張州  
與授檢校大任以其屢  
殺敵眾故以是命其三

長尺餘壬戌詔天下括馬又詔民十戶出兵一人器甲  
自備案契丹國志云唐發民為兵每七戶出征夫一人自備鎧仗謂之義軍凡得馬二千餘匹征夫五千人民  
間大擾與薛史互有詳畧今附錄于此癸酉幽州趙德鈞以本軍二千騎  
與鎮州董溫琪由吳兗各趨潞州十月戊子以趙德鈞為  
諸道行營都統以趙延壽為河東道南面行營招討使  
以劉延朗副之庚寅以范延光為河東道東南面行  
營招討使以李周副之帝以呂琦嘗佐幽州幕乃命賈  
都統官告以賜德鈞魚犒軍士琦至從容宣帝委任之  
意德鈞曰既以兵相委焉敢惜死德鈞志在併范延光  
軍奏請與延光會合帝以詔諭延光延光不從丁酉延

州上言節度使楊漢章為部眾所殺以前坊州刺史劉  
景嚴為延州留後庚子趙德鈞奏大軍至圍栢谷前鋒  
殺蕃軍五百騎范延光奏軍至榆次蕃軍退入河東川  
界潘環奏隍州逐退蕃軍壬寅趙德鈞奏軍出谷口蕃  
軍漸退契丹主見駐柳林砦時德鈞繫奏乞授延壽鎮  
州節制帝怒曰德鈞父子豎要鎮州苟能逐退蕃戎要  
代予位亦甘心矣若翫寇要君但恐犬兔俱斃德鈞聞  
之不悅閏月丙辰日南至羣臣稱賀於行宮帝曰晉安  
寨內將士應思家國矣因泣下久之丁巳以岢嵐軍為  
勝州卒酋以右龍武統軍李從祖為左龍武統軍以前



邠州節度使楊思權為右龍武統軍壬戌丹州刺史康承詢停任配流鄧州時承詢奉詔率義赴延州義軍亂承詢奔鄜州故有是責甲子太原行營副招討使楊光遠殺招討使張敬達於晉安寨以兵降契丹時契丹圍寨自十一月以後芻糧乏絕軍士毀居屋茅淘馬糞削松栲以供秣飼馬尾鬣相食俱盡楊光遠謂敬達曰少時人馬俱盡不如奮命血戰十得三四猶勝坐受其弊敬達曰更少待之一日光遠伺敬達無備遂殺之與諸諸將同降契丹時馬猶有五千匹戎王並以漢軍與石敬瑭其馬及甲仗即賫驅出塞丁卯戎王立石敬瑭為

乃出

大晉皇帝約為父子之國改元為天福戎王與晉高祖南行趙德鈞父子與諸將自團栢谷南奔王師為蕃騎所蹙投戈棄甲自相騰踐擠于巖谷者不可勝紀己己帝聞晉安寨為敵所陷詔移幸河陽時議以魏府軍尚全戎王必憚山東未敢南下車駕可幸鄴城帝以李崧與范延光相善召入謀之薛文遇不知而繼至帝變色崧躡文遇足帝曰我見此物肉顛肉顛適欲抽刀刺之申車駕至河陽致誤大事刺之益醜崧因請帝歸京士將大詳袞舊作相溫今改正晉祖祖與戎王至潞州戎王遣蕃駕至自河陽時率五千騎送晉高祖南行丁丑車



駕至自河陽時左右勸帝固守河陽居數日符彥饒張  
彥琪至奏帝不可守城是日晚至東上門小黃門鳴鞘  
於路索然無殺已邠帝遣馬軍都指揮使宋審虔率千  
餘騎至白馬坡言踏陣地時諸將謂審虔曰何地不堪  
交戰誰人肯立於此審虔乃請帝還宮庚辰晉高祖至  
河陽辛巳辰時帝舉族與皇太后曹氏自燔於玄武樓  
晉高祖入洛得帝燼骨於火中來年三月詔葬於徽陵  
之封中帝在位共二年年五十三永樂大典卷七千一  
百七十四五代史關  
文晉高祖引契丹圍晉安寨降楊光遠清泰帝至自覃  
懷京師父老迎帝于上東門外帝垂泣不止父老奏曰  
臣等伏聞前唐時中國有難帝王多幸蜀以圖進取陛  
下何不且入西川帝曰本朝兩川節度使皆用文臣所

以玄宗僖宗避寇幸蜀今孟氏已稱尊  
矣吾何歸乎因慟哭入內舉族自焚

史臣曰末帝負神武之才有人君之量由尋戈而踐祚  
慙德應深及當宇以居尊政經未失屬天命不祐人謀  
匪臧坐俟焚如良可悲矣稽夫衽金甲於河壩之際斧  
眦樓于梁壘之時出沒如神何其勇也及乎駐革輅于  
覃懷之日絕羽書于汾晉之辰涕淚沾襟何其怯也是  
知時之來也雕虎可以生風運之去也應龍不免為醢  
則項藉悲歌于帳下信不虛矣永樂大典卷七  
千一百七十四



舊五代史卷四十九

宋司空同中書門下平章事薛居正等撰

后妃列傳第一

唐書二十五

武皇帝貞簡皇后曹氏莊宗之母也太原人以良家子嬪於武皇姿質閑麁性謙退而明辨雅為秦國夫人所重常從容謂武皇曰妾觀曹姬非常婦人王其厚待之武皇多內寵乾寧初平燕薊得李匡儔妻張氏姿色絕代嬖倖無雙時姬侍盈室罕得進御唯太后恩顧不衰武皇性嚴急左右有過必峻於譴罰無敢言者唯太后從容救諫即為解顏及莊宗載誕體貌奇傑武皇異而



憐之太后益寵貴諸夫人咸出其下后亦恭勤內助左  
右稱之武皇薨莊宗嗣晉王位時李克寧李存顯謀變  
人情危懼太后召監軍張承業指莊宗謂之曰先人把  
臂授公此兒如聞外謀欲孤付託公等但置予母子有  
地毋令乞食于汴幸矣承業因誅存顯克寧以清內難  
莊宗善音律喜伶人謔浪太后嘗提耳誨之天祐七年  
鎮定求援莊宗促命治兵太后曰予齒漸衰兒但不墜  
先人之業為幸矣何事櫛風沐雨離我晨昏莊宗曰稟  
先王遺旨須滅仇讐山東之事機不可失及發太后餞  
于汾橋悲不自勝莊宗平定趙魏駐于鄴城每一歲之

內馳駕歸寧者數四民士服其仁孝太后初封晉國夫  
人莊宗即位命宰相盧損奉冊書上皇太后尊號其年  
平定河南西幸洛陽令皇弟存渥皇子繼岌就太原迎  
奉莊宗親至懷州迎歸長壽宮太后素與劉太妃善分  
訣之後愜然不樂俄聞太妃寢疾尚醫中使問訊結轍  
既而謂莊宗曰吾與太妃恩如伯仲彼經年抱疾但見  
吾面差足慰心吾暫至晉陽旬朔與之俱來莊宗曰時  
方暑毒山路崎嶇無煩往復可令存渥輩迎侍太妃乃  
止及凶問至太后慟哭累旬由是不豫尋崩於長壽宮  
同光三年冬上曰上謚曰貞簡皇太后葬於壽安陵

承樂



大典卷一萬  
九千三百四

太妃劉氏武皇之正室也永樂大典卷一千二百六十六

闕全篇考北夢瑣言云晉王李克用妻劉夫人常隨軍行至軍機多所弘益先是汴州上源驛有變晉王憤

憤欲回軍攻之夫人曰公為國討賊而以杯酒私忿必若攻城即曲在于我所不如回師自有朝廷可以論列於

是班退天復中周德威為汴軍所敗三軍潰散汴軍乘我晉王危懼與李存信議欲出保雲州夫人曰存信本

北方牧羊兒也為預成敗王常笑王行瑜棄城失勢被

人屠割今復欲效之何也王頃歲避難塞外幾遭陷害

賴遇朝廷多事方得復歸今一旦出城便有不測之變

焉能遠及晉王止行居數日亡散之士復集軍城安定

夫人之力也五代會要云同光元年四月冊為皇太妃

歐陽史云莊宗即位冊尊曹氏為皇太后而以嫡母劉

氏為皇太妃往謝太后太后有慚色太妃曰吾願見享

國無窮使吾獲沒于地以從先居幸矣復何言哉莊宗

減梁入洛使人迎太后歸洛居長壽宮而

太妃獨留晉陽同光三年五月太妃薨

魏

國夫人陳氏襄州人本昭宗之宮嬪也乾寧二年武

皇奉詔討王行瑜駐軍于渭北昭宗降朱書御札出陳

氏及內妓四人以賜武皇陳氏素知書有才貌武皇深

加寵重及光化之後時事多艱武皇常獨居深念嬪媵

鮮得侍謁唯陳氏得召見陳氏性既靜退不以寵侍自

侈武皇常呼為阿堵及武皇大漸之際陳氏侍醫藥垂

泣言妾為王執掃除之後十有四年矣王萬不幸妾將

何託既不能以身為殉願落髮為尼為王讀一藏佛經

以報平昔武皇為之流涕及武皇薨陳氏果落髮持經

法名智願後居於洛陽佛寺莊宗賜號建法大師天成



中明宗幸其院改賜圓惠大師晉天福中卒於太原追謚光國大師塔以惠寂為名也永樂大典卷二

莊宗神閔敬皇后劉氏永樂大典卷一萬三千三百五十二案劉后傳永樂大典原闕考北夢

瑣言云莊宗劉皇后魏州成安人家世寒微太祖攻魏州取成安得后時年五六歲歸晉陽宮為太后侍者教吹笙及笄姿色絕衆聲伎亦所長太后賜莊宗為韓國夫人侍者後誕皇子繼岌寵待日隆他日成安人劉叟詣鄰宮見上稱夫人之父有內臣劉建豐認之即昔日黃髮丈人后之父也劉氏方與嫡夫人爭寵昏以門族誇尚劉氏耻為寒家白莊宗曰妾去鄉之時妾父死于亂兵是時環屍而哭妾固無父是何田舍翁詐偽及此乃于宮門答之其寔后即叟之長女也莊宗好俳優宮中暇日自負著囊藥篋令繼岌相隨以后父劉叟以醫卜為業也后方晝眠及遣其卧內自稱劉衙推訪女后大喜答繼岌然為太后不禮復以韓夫人居正無以發明大臣希旨請冊劉氏為皇后議者以后出于寒賤好具利聚財初在鄰都令人設法裨販所驚樵蘇果茹亦以皇后為名正位之

後凡貢奉先入後宮惟寫佛經施尼師他無所賜闕下諸軍困乏以至妻子飢寒宰相請出內庫俵給后將出輒具銀盆兩口皇子滿喜等三人令駕以賂軍一旦作亂亡國滅族與夫褒姒已無異也先是莊宗自為俳優名曰李天下雜于塗粉復雜之間時為諸優扑扶相搭竟為紫婦恩伶之傾玷有因者得不以為前鑒劉后以囊盛金合犀帶四欲于太原造寺為尼沿路復通皇帝存渥同簣而寢明宗聞其穢即令自殺案歐陽史作裨將表建豐得后納之晉宮而北夢瑣言作內廷劉建豐亦傳聞之異辭也

淑妃韓氏莊宗正室永樂大典卷一千二百六十六案韓淑妃傳永樂大典原闕考五

代會要云同光二年十二月冊以宰臣豆盧革章說為冊出應天門登路車鹵簿鼓吹前導至于永福門降車

入右銀臺門至淑妃宮受冊于內文武百官立班稱賀

德妃伊氏莊宗次室永樂大典卷一千二百六十六案伊德妃傳永樂大典原闕考北

夢瑣言云莊宗皇帝嫡夫人韓氏後為淑妃伊氏為德妃契丹入中原石氏乞降宰相馮道奉尊契丹主大張



宴席其國母后妃列坐同宴王媵蔡姬之比也夫人夏氏最承恩寵後嫁李贊華所謂東丹王即按巴堅長子先歸朝後除滑州節度使性酷毒侍婢微過即以刀刺火灼夏氏少長官掖不忍其凶求離婚歸河陽節度使夏魯奇家後為尼也案歐陽史家人傳夏氏在天成初以先朝宮人出歸夏魯奇家後賜李贊華與北夢瑣言微異又案五代會要莊宗朝內職又有昭儀侯氏封沂國夫人昭媛白氏封沂國夫人出使美宣鄧氏封魏國夫人柳正楚真張氏封涼國夫人司簿德美周氏封宋國夫人侍真呈氏封延陵郡夫人懿才王氏封太原郡夫人懿德王氏封瑯琊郡夫人宣一馬氏封扶風郡夫人並同光二年十一月勅按巴堅舊作阿係機今改

明宗昭儀皇后夏氏生秦王從榮及閔帝同光初后以疾崩明宗即位追封為晉國夫人長興中明宗以秦宗二王位望既隆因思從貴之義乃下制曰故晉國夫人夏氏素推仁德久睦宗親嘗施內助之方不見中興之

盛予當御極子並為王有鵲巢之高無葦衣之貴貞魂永逝懿範常存考本朝之文公追冊之制將慰懷於九族真叶慶于四星宜追冊為皇后兼定懿號既有司上謚曰昭懿 永樂大典卷一萬三千五百五十二

和武顯皇后曹氏 永樂大典卷一萬三千五百五十五

會要云天成三年正月冊為淑妃長興元年正月十四日冊為皇后應順元年正月冊為皇太后至清泰三年閏十一月隨末帝崩于後樓晉高祖使人護葬至天福五年正月二十八日追冊曰和武顯皇后

宣憲皇后魏氏 永樂大典卷一萬三千五百五十五

后魏氏鎮州平山人中和末明宗徇地山東苗成平山得魏后又云明宗為裨將性濶達不能治生曹后亦疏于畫洛生計所資惟宣憲而已五代會要云初封魯國太夫人清泰二年二月中書門下奏臣聞漢昭帝承祚



御歷奉尊謚于雲陽魏明帝繼體守文思外家于甄館  
而皆追從徽號祔饗廟庭克隆敬本之文式叶愛親之  
道臣又覽國史竊見玄宗皇帝始嬪朱邸俄闕玄宮鴻  
代宗皇帝母曰章敬太后吳氏始嬪朱邸俄闕玄宮鴻  
圖既屬于明君尊號咸追于聖母允成于天統四妃有子  
沙麓貽慶河洲三后最賢周母允成于天統四妃有子  
唐宮先啟于帝基仰惟當寧之情弥軫軫寒泉之思久虛  
殷薦慮損皇猷臣等謹上尊謚曰宣憲皇太后請依昭  
成皇太后故事擇日備禮冊命又臣等伏聞先太后舊  
陵承祔先祠則都下難崇別而既追尊謚合祔闕宮按  
漢朝故事園寢不在王畿或就陵所便立寢祠令商量  
上謚後權立同廟以申告獻配祠之禮請俟他年從之  
據歐陽史云議建陵寢而太原石敬瑭反乃于京師河  
南府東立寢宮又案五代會要所載明宗時內職德  
妃王氏天咸三年正月冊立長興二年四月進號淑妃  
應順元年正月十三日冊為太妃至周廣順元年四月  
追謚賢妃昭儀王氏封齊國夫人昭容葛氏封周國夫  
人昭媛劉氏封趙國夫人孫氏封楚國夫人御正張氏  
封曹國夫人司寶郭氏封魏國夫人司贊于氏封鄭國  
夫人尚服王氏封衛國夫人司記崔氏封蔡國夫人司

滕翟氏封滕國夫人司醜吳氏封莒國夫人媿好高氏  
封渤海郡夫人美人沈氏封太原郡夫人順御朱氏封  
吳郡夫人司藥孟氏封咸陽郡夫人梳篋張氏封清河郡  
夫人司服王氏封太原郡夫人梳篋傅氏封潁川郡夫  
人知容張氏賜號尚書故江氏追封濟陽郡夫人以上  
皆長興三年九月勅其各號皆中書門下按六典內職  
仿而行之內人李氏封隴西縣君崔氏封清河縣君李  
氏封成紀縣君田氏封咸陽縣君白氏封南陽縣君並  
長興四年二月勅前代內職皆無封君之禮此一時之  
制

閔帝哀皇后孔氏 永樂大典卷一萬三千五百五十五

云孔循陰遣人結王德妃求納其女德妃請娶循女為

從厚妃帝許之庚寅皇子從厚納孔循女為妃五代會

要云初封魯國夫人應順元年四月為末帝所  
害晉天福五年正月二十八日追謚為哀皇后  
末帝劉皇后應州人也天成中封為沛國夫人清泰初



百官三上表請立中官遂立為皇后后性強戾末帝甚  
 憚之故其弟延皓自鳳翔牙校環歲之間歷樞密使出  
 為鄴都留守皆由后內政之力也及延皓為張令昭所  
 逐執政請行朝典后力制之止從罷免而已晉高祖入  
 洛后與末帝俱就燔焉永樂大典卷一  
萬九千三百四  
 史臣曰昔三代之興亡雖由于帝王亦繫于妃后故夏  
 之興也以塗山及其亡也以妹嬉商之興也以簡狄及  
 其亡也以妲己周之興也以文母及其亡也以褒姒觀  
 夫貞簡之為人也雖未偕于前代亦無虧于懿範而劉  
 后以牝雞之晨皇業斯墜則與夫三代之興亡同矣餘

無進賢輔佐之德又何足以道哉永樂大典卷一萬九  
千三百四 案五代

案五代史無外戚傳據五代會要武皇長女瓊華長公主降孟知祥同光二年十二月封第二女瑤英長公主降張延釗同光三年	二月封明宗長女永寧公主降晉高祖第十三女興平公主降趙延壽天成三年四月封至長興四年九月改封齊國公主至清泰三年二月進封燕國長公主第十四女壽安公主長興四年六月封第十五女永樂公主長興四年六月封	互如瓊華公主十國春秋諸書作太祖弟克讓之女會要以為武皇長女此傳聞之異辭也莊宗女義寧公主降宋廷浩廷浩仕至房州刺史晉初為汜水關使張從賓之叛戰死見東都事略及宋史又王禹偁小畜集有宋渥神道碑云母義寧公主天福中晉祖以嘗事莊宗有舊君之禮每貴主入見聽其不拜時兵戎方熾經
--	---	---



百官三上表請立中宮遂立為皇后后性強戾末帝甚  
 憚之故其弟延皓自鳳翔牙校環歲之間歷樞密使出  
 為鄴都留守皆由后內政之力也及延皓為張令昭所  
 逐執政請行朝典后力制之止從罷免而已晉高祖入  
 洛后與末帝俱就燔焉永樂大典卷一  
萬九千三百四  
 史臣曰昔三代之興亡雖由于帝王亦繫于妃后故夏  
 之興也以塗山及其亡也以妹嬉商之興也以簡狄及

費不充惟公主之家賜予甚厚盡而復取亦無倦色一日晉祖從	容謂貴主曰朕于主家無所愛惜但朝廷多事府庫甚虛主所知	矣今輦轂之下桂玉為憂可命渥分司西京以豐就養因厚遣之	且勅留司具晨昏伏臘之用至于醯醢率有備焉會要不載莊宗	女幾人是其闕略也惟明宗諸女記之稍詳然攷薛史趙延壽傳	其娶明宗小女為繼室歐陽史亦云耶律德光為延壽娶從益妹	是為永安公主而會要不載則其闕漏者亦多矣	延壽天祐三年四月封齊國公主至清泰三年二月進封燕國
---------------------------	---------------------------	---------------------------	---------------------------	---------------------------	---------------------------	---------------------	--------------------------

四年九月改封齊國公主至清泰三年二月進封燕國  
 長公主第十四女壽安公主長昌四年六月封第十五  
 女永樂公主長昌四年六月封歐陽史云延壽所尚公  
 主已死耶律德光乃為延壽娶從益妹是為永安公主  
 薛氏趙延壽傳亦言其娶明宗小女  
 為繼室而五代會要不載疑有關文







舊五代史卷五十

宋司空同中書門下平章事薛居正等撰

宋室列傳第二

唐書二十六

勛

克讓武皇之仲弟也少善騎射以勇悍聞咸通中從討  
龐勳以功為振武都校乾符中王仙芝陷荆襄朝廷徵  
兵克讓率師奉詔賊平以功授金吾將軍留宿衛初懿  
祖歸朝憲宗賜宅於親仁坊自長慶以來相次一人典  
衛兵武皇之起雲中殺段文楚朝議罪之命加兵于我  
懼將逃歸天子詔巡使王處存夜圍親仁坊捕克讓詰  
旦兵合克讓與紀綱何相溫安文寬石的歷十餘騎營



孤躍馬突圍而出官軍數千人追之比至渭橋死者數百克讓自夏陽掠船而濟歸於鴈門明年武皇昭雪克讓復入宿衛黃巢犯關僖宗幸蜀克讓時守潼關為賊所敗案僖宗幸蜀以前武皇未嘗昭雪克讓無由復入宿衛出守潼關通鑑考異嘗辨其誤今考新唐書黃巢傳巢攻潼關齊克讓以其軍戰關外時士飢甚潛燒克讓營走入關疑當時因齊克讓之名與李克讓同遂致傳聞輾轉失定耳歐陽史祇據薛史原文不為辨正今無可復考姑附識于此以部下六七騎伏於南山佛寺夜為山僧所害克讓既死紀綱渾進通冒及獲免歸於黃巢中和二年冬武皇入關討賊屯沙苑黃巢遣使米重威齎賂修好因送渾進通至兼擒送害克讓僧十人武皇燔偽詔還其使盡誅諸僧為克

讓發哀行服悲慟久之永樂大典卷一萬三百八十八

克修字崇遠武皇從父弟也案歐陽史家人傳云太祖

寧皆不知其父母名號據薛史則父德成初為天寧軍

使從獻祖討龐勛以功授朔州刺史克修少便弓馬從

父征討所至立功武皇節制鴈門以克修為奉誠軍使

從入關為前鋒破黃揆於華陰敗尚讓於梁田坡蹙黃

巢於光順門每戰皆捷勇懾諸軍賊平以功檢校刑部

尚書左營軍使其年十月潞州牙將安居受來乞師請

復昭義軍武皇遣大將賀公雅李筠安金俊等以兵從

與孟方立戰於銅鞮不利武皇乃令克修將兵繼進是



月平潞州斬其刺史李殷銳乃表克修為昭義節度使

案新唐書僖宗紀中和三年十月李克用陷潞州刺史李殷銳死之與薛史李克修傳同薛史武皇紀又作十

一月平潞州紀傳自相矛盾通鑑從克修傳作十月歐陽史從武皇紀作十一月光啟二年九

月克修出師山東收復邢洛十一月拔故鎮孟方立遣

將呂臻來援戰於焦崗大敗之擒呂臻俘斬萬計進拔

武安臨洺諸屬縣乘勝進圍邢州方立求援於鎮州王

鎔出師三萬援之克修軍退及李罕之來歸武皇授以

澤州刺史與克修合勢進攻河陽連歲出師以苦懷孟

十月孟方立遣將奚忠信將兵三萬襲我遼州克修設

伏於遼之東山大敗賊軍擒忠信以獻龍紀元年武皇

大舉以伐邢洛及班師因撫封於上黨克修性儉嗇不

事華靡供帳饗膳品數簡陋武皇怒其菲薄嘗而詬之

克修慙憤發疾明年三月卒於潞之府第時年三十一

莊宗即位追贈太師克修子二人長曰嗣弼次日嗣肱

嗣弼初授澤州刺史歷昭義橫海節度副使改海州刺

史天祐十九年契丹犯燕趙陷涿郡案遼史太祖紀十

有白兔緣壘而破其郭嗣弼舉家被俘遷于幕庭永樂大典卷

八十

嗣肱少有膽畧屢立戰功夾城之役從周德威為前鋒

時兄嗣弼為昭義副使與嗣昭守城兄弟內外奮戰忠



力威壯感動三軍潞圍既解以功授檢校左僕射入為  
三城巡檢知衙內事天祐七年周德威援靈夏党項阻道  
音驛不通嗣肱奉命自麟州渡河應接德威與党項轉  
戰數十里合德威軍栢鄉之戰嗣肱為馬步都虞侯  
明年從莊宗會友謙於猗氏改教練使與存審援河  
中敗汴軍于胡壁堡獲將龐讓十年與存審屯趙州學  
汴人於觀津時梁祖新屠粵強其將賀德倫急攻菑縣  
率師五萬合勢于菑之西嗣肱自下博率騎三百薄晚  
與梁之樵芻者相雜日既晡入梁軍營門諸騎相合火  
譟弧矢星發樵關馳突汴人不知所為營中擾既暝

歛騎而退是夜梁祖燒營而遁解菑縣之圍以功特授  
蔚州刺史鴈門以北都知兵馬使從平劉守先十二年  
改應州刺史累遷澤代二州刺史石嶺以北都知兵馬  
使十九州新州刺史王郁叛入契丹嗣肱進兵定媯儒  
武等三州授山北都團練使二十年春卒於新州時年

四十五

永樂大典卷一萬  
八千一百二十六

克恭武皇之諸弟也

案薛史不言克恭父為何人然明  
著其為諸弟所以別于母弟也歐

陽史與克讓克寧  
連而書疑未詳考

龍紀中為決勝軍使大順初潞帥

李克修卒克恭代為昭曠節度使性驕橫不法未開軍  
政潞人素便克修之簡正惡克恭之恣縱又以克修非



罪暴卒人士離心時武皇初定邢洛三州將有事于河  
 朔大蒐軍實潞州有後院軍兵之雄勁者克恭選其五  
 百人獻于武皇軍使安居受惜其兵不悅克恭令裨校  
 李元審安建紀綱馮霸部送太原行次銅鞮縣馮霸劫  
 衆謀叛殺都將劉杲縣令戴芳謙循山而南北及沁水有  
 衆三千武皇令李元審將兵擊之與霸戰于沁水不利  
 元審戰傷收軍于潞五月十五日克恭視元審于孔目  
 吏劉崇之第是日州將安居受引兵伏攻克恭因風縱  
 火克恭元審並遇害州民推居受為留後初孟方立之  
 乱居受以澤潞歸於武皇至是孟遷以邢洛納降復任

為牙將居受惧其圖已乃叛殺克恭以結汴人居受遣  
 人召馮霸于沁水霸不受命居受惧將奔歸朝廷至長  
 子為野人所殺傳首馮霸軍霸乃引軍據潞州自稱留  
 後求援於汴武皇令康君立討之汴將葛從周來援霸  
 九月李存孝急攻潞州汴軍夜遁獲霸等誅之武皇乃  
 以康君立為昭義節度使

永樂大典卷一  
萬三百八十八

克寧武皇之季弟也初從起雲中為奉誠軍使赫連鐸  
 之攻黃花城也克寧奉武皇及諸弟登城血戰三日力  
 盡備竭殺賊萬計燕軍之攻蔚州克寧昆仲嬰城拒敵  
 晝夜輟寢食者旬餘後從連鞞入關逐黃寇凡征行無



不衛從於昆弟之間最推仁孝小心恭謹武皇尤友愛之及鎮太原授遼州刺史累至雲州防禦使乾寧初改忻州刺史從入關討王行瑜充馬步軍都將以功授檢校司徒天祐初授內外都制置管內蕃漢都知兵馬使檢校太保充振武節度使凡軍政皆決于克寧五年正月武皇疾篤克寧等侍疾垂泣辭訣克寧曰王萬一不諱後事何屬因召莊宗侍側謂克寧張承業曰亞子累公等言終棄代將發哀克寧紀綱軍府中外無諱初武皇獎勸軍戎多畜廢孽衣服禮秩如敵者六七輩叱之嗣王年齒又長各有部曲朝夕聚謀皆欲為亂莊宗英

察惧及于禍將嗣位讓克寧曰兒年孤稚未通庶政雖承遺命恐未能彈壓大事季父勲德俱高衆情推伏且請制置軍府候兒有立聽季父處分克寧曰亡兄遺命屬在我兒孰敢異議者兒但嗣世中外之事何憂不辦視事之日率先拜賀莊宗嗣位軍民政事一切委之權柄既重趨向者多附之季存顯者案歐陽史作養子存顯存實以陰計于克寧曰兄亡弟及古今舊事季父拜姪理所未安富貴功名當宜自立天與不取後悔無及克寧曰公毋得不祥之言我家世立功三代父慈子孝天下知名苟吾兄山河有託我亦何求公無復言必斬爾首以徇克



寧雖慈愛因心而日為凶徒惑亂羣山之妾復以此言  
于克寧妻孟夫人說激百端夫人惧事洩及禍屢讓克  
寧由是愈惑會克寧因事殺都虞侯李存質又請兼領  
大同節度使以蔚朔為屬郡又數怒監軍張承業李  
存璋繇是知其有貳近臣史敬瑭素與存顯善盡知  
其事敬瑭告貞簡太后曰存顯與管內太保陰圖叛亂  
俟嗣王過其第即擒之并太后子母欲送于汴州密發  
有日矣莊宗召張承業李存璋謂曰季父所為如此無  
猶子之情骨肉不可自相魚肉吾即避路則禍亂不作  
矣承業曰老夫親承遺託言猶在耳存顯輩欲以太原

降賊王乃何路求生不即討除亡無日矣因令吳珙存  
璋為之備二月二十日會諸將於府第擒存顯克寧于  
坐莊宗垂泣數之曰兒初以軍府讓季父季父不忍棄  
先人遺命令已事定復欲以兒子母投畀豺虎季父何  
忍此心克寧泣對曰蓋譏夫交構吾復何言是日與存  
顯俱伏法克寧仁而無斷故及于禍永樂大典卷一萬  
三百八十八案  
薛史李嗣昭傳云武皇母弟代州刺史克柔之假子也  
是克柔為武皇母弟新唐書沙陀傳武皇有弟克勤  
通鑑引紀年錄又有兄克儉  
而薛史俱無傳疑有關文


史臣曰昔武皇發跡于陰山莊宗肇基于河朔雖奄有  
天下而享國日淺眷言枝屬空秀棣華固未及推帝堯



敦叙之恩廣成王封建之義自克讓而下不獲就魯衛  
之封間平之德也况天橫相繼亦良可悲哉

永樂大典  
卷一萬三

十八





程